

শিক্ষা প্রশাসনে ব্যাপক রদবদল

১৮ জনকে ওএসডি, নতুন পদে পদায়ন ২৬ জন

সংবাদ : নিজস্ব বার্তা পরিবেশক

| ঢাকা, মঙ্গলবার, ২৬ মার্চ ২০১৯

শিক্ষা প্রশাসনে বড় রদবদল করেছে সরকার। ১৮ জনকে ওএসডি (বিশেষ ভারপ্রাপ্ত কর্মকর্তা) এবং ২৬ জনকে নতুন পদে পদায়ন করা হয়েছে। রোববার রাতে এ বিষয়ে তিনটি পৃথক আদেশ জারি করে শিক্ষা মন্ত্রণালয়।

ঢাকা শিক্ষা বোর্ডের সচিব প্রফেসর শাহেদুল খবির চৌধুরীকে মাধ্যমিক ও উচ্চশিক্ষা অধিদফতরের (মাউশি) কলেজ ও প্রশাসন শাখার পরিচালক, একই অধিদফতরের সরকারি কলেজ শাখার উপ-পরিচালক পদে সংযুক্ত থাকা অধ্যাপক প্রবীর কুমার ভট্টাচার্যকে প্রশিক্ষণ শাখার পরিচালক এবং ওএসডি থাকা প্রফেসর আমির হোসেনকে মাউশির পরিচালক (এম অ্যান্ড ই উইং, সিসিপি) করা হয়েছে। দীর্ঘদিন পর শিক্ষা প্রশাসনের বড় এই রদবদলকে স্বাগত জানিয়েছেন সংস্থানটির কর্মকর্তা-কর্মচারীরা। তাদের মধ্যে প্রফেসর শাহেদুল খবির চৌধুরী গতকালই মাউশি অধিদফতরে যোগদান করলে তাকে সংস্থার সর্বস্তরের কর্মকর্তা-কর্মচারীরা অভিনন্দন জানান।

মুন্সীগঞ্জ সরকারি মহিলা কলেজের অধ্যক্ষ প্রফেসর সিরাজুল ইসলাম খানকে মাউশি

আধিদফতরের পারিচালক (ফন্যান্স অ্যান্ড প্রকিউরমেন্ট), টাঙ্গাইলের সরকারি সা'দত কলেজের উপাধ্যক্ষ প্রফেসর শহীদুজ্জামান মিয়াকে তথ্যপ্রযুক্তির সহায়তায় নির্বাচিত বেসরকারি কলেজসমূহের উন্নয়ন প্রকল্পের পরিচালক, শরীয়তপুর সরকারি কলেজের অধ্যক্ষ প্রফেসর মনোয়ার হোসেনকে মাউশির ঢাকা অঞ্চলের পরিচালক (সেসিপ), সরকারি তিতুমীর কলেজের সহযোগী অধ্যাপক রুহুল মমিনকে আধিদফতরের উপ-পরিচালক (প্রশাসন), নীলফামারীর সৈয়দপুর সরকারি কারিগরি কলেজের অধ্যক্ষ শাহ মো. আমির আলীকে উপ-পরিচালক (কলেজ-১), চট্টগ্রামের সরকারি কমার্স কলেজের সহযোগী অধ্যাপক নুরুল ইসলাম চৌধুরীকে উপপরিচালক (একিউএইউ) করা হয়েছে।

নারায়ণগঞ্জের সরকারি তোলারাম কলেজের সহকারী অধ্যাপক মীর রাহাত মাসুমকে মাউশির সহকারী পরিচালক (কলেজ-৪), মাউশি আধিদফতরের সহকারী পরিচালক (কলেজ-৪) জাকির হোসেনকে এই দফতরের সহকারী পরিচালক (প্রশাসন), ওএসডি থাকা অসীম কুমার বর্মণকে সহকারী পরিচালক-২ (পরিকল্পনা ও উন্নয়ন, মাউশি) এবং আজিমপুর সরকারি গার্লস স্কুল অ্যান্ড কলেজের সহকারী অধ্যাপক কাওসার আহমেদকে সহকারী পরিচালক (মাধ্যমিক) করা হয়েছে।

নাটোরের গোল-ই-আফরোজ সরকারি কলেজের ব্যবস্থাপনার সহযোগী অধ্যাপক

আকতারুজ্জামান ভূঁইয়াকে উপপরিচালক (শারীরিক শিক্ষা), বিএম কলেজের সহকারী অধ্যাপক মোহাম্মদ ছিদ্দিকুর রহমানকে সহকারী পরিচালক (শারীরিক শিক্ষা), সরকারি পিসি কলেজের অর্থনীতির প্রভাষক রিজওয়ানুর রহমানকে মাউশি অধিদফতরের গবেষণা কর্মকর্তা (পরিকল্পনা ও উন্নয়ন) ও এসডি থাকা সহকারী অধ্যাপক খান আবদুল্লাহ আল আসাদকে কুমিল্লার গৌরীপুর মুন্সি ফজলুর রহমান সরকারি কলেজে পদায়ন করা হয়েছে।

শিক্ষা বোর্ডে পদায়ন

ঢাকা শিক্ষা বোর্ডের পরীক্ষা নিয়ন্ত্রক অধ্যাপক তপন কুমার সরকারকে একই বোর্ডের সচিব, মাদরাসা বোর্ডের পরিদর্শক অধ্যাপক আবুল বাসারকে ঢাকা বোর্ডের পরীক্ষা নিয়ন্ত্রক, চাঁদপুর সরকারি মহিলা কলেজের সহযোগী অধ্যাপক রফিকুল ইসলামকে ঢাকা বোর্ডের উপ-পরীক্ষা নিয়ন্ত্রক, কুমিল্লা শিক্ষা বোর্ডের একাডেমিক উপসচিব (প্রেমণে) নূর মোহাম্মদকে একই বোর্ডের সচিব, নরসিংদী সরকারি কলেজের অধ্যাপক চিত্তরঞ্জন দেবনাথকে মাউশি অধিদফতরের প্রকল্প পরিচালক (সিলেট, খুলনা, বরিশাল বিভাগীয় শহরে ৭টি মাধ্যমিক বিদ্যালয় নির্মাণ) করা হয়েছে।

আর দুয়ারিপাড়া সরকারি কলেজের অধ্যক্ষ ছিদ্দিকুর রহমানকে মাদরাসা শিক্ষা বোর্ডের রেজিস্ট্রার ও একই বোর্ডের উপ-রেজিস্ট্রার (কমন সার্ভিস) কামাল উদ্দিনকে বোর্ডের পরীক্ষা

নিয়ন্ত্রক, জাতীয় শিক্ষা ব্যবস্থাপনা একাডেমি (নায়েম) উপপরিচালক (প্রশিক্ষণ ও বাস্তবায়ন) ড. রিয়াদ চৌধুরীকে কন্ট্রোলার অফ পাবলিকেশন্স, সরকারি শহীদ সোহরাওয়ার্দী কলেজের সহকারী অধ্যাপক তৈয়ব হোসেন সরকারকে উপ-রেজিস্ট্রার (কমন সার্ভিস) এবং ওএসডি থাকা স্বরূপকাঠি সরকারি কলেজের সহযোগী অধ্যাপক জিয়াউল আহসানকে পরিচালক (প্রশাসন ও অর্থ) করা হয়েছে। এ ছাড়াও ১৮ জন কর্মকর্তাকে ওএসডি করা হয়েছে।